

畫  
書  
詩  
文



勤齋詞目錄

鵲橋仙

太常引

浣溪沙

望月婆羅門引

卷之三

勤齋詞

奉元

蕭

軒

維斗

鵠橋仙壽詞

萬金寶劑三山仙島口祝康寧壽考似君全福幾人能  
眞不是天公草草綵衣膝下仙歌雲杪莫厭金荷口  
倒祇應龜鶴羨長年八千歲靈椿未老

太常引壽詞

天家崇德報元功稽盛典極追隆美謐亞三公更大國  
新開魏封夫人配德淵深玉粹麟趾見清風恰恰壽  
筵逢想醉德多於酒釀

浣溪沙張詳議八十壽

紅藥香中敞壽筵一叢蘭玉拜尊前曾孫繞膝愛高年  
白髮弟兄真樂事雪溪孝友卽家傳人生佳處只君全

望月婆羅門引叔經宣慰壽

○○○○○誰人得數登臨看公鐘鼎何心鳳味東邊  
小築桃李作高林道詩書教子絕勝黃金千年尚禽  
肯隨世漫浮沈好在傳家棠樹培壅清陰年高德劭似  
一日春光一日深青鏡裏白髮休侵

牧庵詞目錄

卷一

浣溪沙

菩薩蠻二

清平樂四

浪淘沙六

鷓鴣天

虞美人二

木蘭花

南鄉子三

小重山二

定風波二

洞仙歌二

江梅引二

卷二

玉漏遲

滿江紅三

滿庭芳

水調歌頭五

燭影搖紅

木蘭花慢

石州慢

賀新郎

摸魚子

蘭陵王

綠頭鴨

六州歌頭

補遺

感皇恩

牧庵詞卷一

洛陽 姚燧 端甫

浣溪沙舟中紀事

紀事

白髮年來自笑余孔方從有絕交書誰憐多病麌生疏  
兩岸行人爭抵掌誰家舟上載籃輿江南休問看山

無

菩薩蠻皇慶癸丑春賞花詞

兩閒日月同悠久算來無比東君壽一歲一歸來光風  
吹九垓花枝依舊好只自傷垂老七十六年人見花  
能幾春

又中秋雨

素娥會把詩人調衰顏不值圓蟾照特地變雲陰江城  
三日霖今宵佳節過天上冰輪破纔卻放餘輝要看

清興違

清平樂

水仙裝束風致清逾淑春意枝頭添萼綠要與梅花仲  
叔生紅從此羞顏甘同桃李漫山不是冥鴻過盡情  
教銜子荆蠻

又

菲菲香雪更照溶溶月管被司花嫌太潔故遣啼鵠濺  
血方舒笑臉迎丹雨聲深院珊瑚有底春愁未訴向  
人紅淚闌干

又聞雁

春方北度又送秋南去萬里長空風雨路誰汝冥鴻知處朝朝舊所窺魚由渠水宿林居爲問江湖苦樂汝於白鸞何如

又大德改元之明年辰在戊戌春三月十一日宣慰麗堂邀飲怪坐客無吾肖齋或云逃生朝矣卽席賦清平樂以壽之

南陽昔歲此日懸弧記不料長沙今款避紅袖青軒負醉橫闌直楯西東飄殘萬紫千紅不是荼縻噴雪爭些閒殺春風

浪淘沙爲柴氏題

河水發崑崙浩浩泉源餘波九里潤猶存若問是誰家  
胄出顯德諸孫 今日在清門玉季金昆能時夏清與  
冬溫直得鑾坡褒一字華袞休論

又競渡

楚俗至今朝服艾盈腰喧江鐃鼓節蘭橈士女踏歌巫  
覩舞魚腹魂招 去古既云遙讖毀言消修名立與日  
昭昭免向重華敷衽跪來直臯陶

又余年七十洪山僧相過言別八十餘年面頰紅潤益  
加於昔有道然耶因爲一莞賦此曉之

七十鬢雙蓬已分衰翁煩君休譽面如童只此正爲吾  
老驗物理曾窮 天地一微躬草木還同桃花初也笑

春風及到離披謝日顏色逾紅

又大德丙午端月十四日立春巧連燈夕求西野澹齋

月澗同賦

春燕玉釵鶯又試初燈天公節序巧相仍纖手青絲盤  
出看寶燄層層鞭絕土牛繩已送嚴凝牙旗鐵馬轡  
春冰六十九年余治學老病宵興

又送貢應奉仲章歸覲宣城

明月萬家堪蟋蟀哀音何人不起故園心一語最難留  
斷袖說觀雲林回首玉堂深誰綺綸音都門無酒與  
君斟只賦祈招當贈別如玉如金

又贈重陽奴

初度菊花秋霜水痕收可知不肯離荊州兀就龍山風  
力軟破帽颶颶今夕定開舟漲水磯頭淵明解印去  
來休夢繞橋齋新草閣檀板輕謳

鷓鴣天遐觀堂暮飲

誰道夔龍不致君白頭離亂不曾聞三秦碧樹生春色  
千里青山入暮雲何事業底功勳百年五十已中分  
從今萬八千場醉莫辭劉伶荷鋤墳

虞美人牧庵卽事爲李元素作

竹風吹落疏疏雨紈扇收殘暑小軒鬪地細香來莫是  
鄰家早有木犀開玉環穿耳誰家女自獻歌金縷新  
聲和徹紫檀槽袖出烏絲纔說要揮毫

又玉梳贈內子

相輝瑜珥瑤釵鳳寶翼蜻蜓動新妝又得水蒼梳人道  
秋風何物不瓊琚人無玉質容何害玉德斯堪愛尙  
慙猶未十分全聽取明年環佩戛璆然

木蘭花

劉子善得常德壽梅圖持以歸鎮江壽其父梅軒

壽梅紙本傳常武遠壽梅軒歸北固愛梅無有似君貪  
東極吳中西盡楚黃昏清淺孤山路能對春風旬日  
許不如滿歲畫中看冷檠疏枝常照戶

南鄉子游洪山寺

貞月大洪山楓葉青青柏葉殷一樹桃花修竹裏天慳

連見春風一歲閒 爭挽插雲鬟  
日暮金鞍未擬還 偏與歌姝相映照朱顏應笑詩人兩鬢斑

又次馮雪崖韻二首

荆憲品皆加纔罷還除世共華恨殺峴山山下路梅花誰醉雙瓶玉照沙 涂水聽宣麻行腳陽春起未涯君去莫嗟風土異堪誇君祖鄉鄰我祖家

又

日覺鬢霜加欲對清尊戀物華離別紛紛長眩眼生花易散難搏掌上沙 蓬意不依麻未必移居漢水涯前日曾於遺集序張誇素範清風有幾家

小重山  
蕪女歸寧還襄陽

江渚蒹葭白露晞雲間渾未有蚤鴻飛人情難在別庭  
闌攜諸幼孤艇溯流歸七十古來稀乃翁筋力尙未  
衰微峴山不是遠相違猶能往清淚莫沾衣

又風雨折枝詞

早是清明應候風勢如滄海浪怒號空更兼潑火雨冥  
濛如何得枝上有殘紅最惜牡丹叢曉來吹盡折教  
兒童且爲支柱曲闌中還堪否留客一尊同

定風波南州以菌生竹間爲蕈并樹雞瘦薄而楮雖日

乾猶可煮茹此筆竹絲爲之蕈蓋得竹餘氣而

生然以世多未見故祥之余以理推如此唐古

憲僉筆生菌繪爲圖因有是作

五馬雙旌出郡堂歸來椽筆對凝香只爲好書天作意  
相戲故生三秀在毫芒不是畫師生手觸拳曲層雲

連葉幾何長我有一占君試記何事已開他日判花祥

又題軸軒左右理二石檻植荷其中

旋汲清泉石斛方便疑身已置江鄉八九吞胸雲夢小  
應笑白頭兒戲未曾忘荷葉且看張翠蓋此外芙蓉  
誰望集朱裳還有不加人意處遮去碧天明月照決決

洞仙歌石山

伊誰斧鑿此玲瓏巖岫至巧先天化工手又不知何地  
夜壑深藏今留待白髮詩人攜走向宣和廢苑睥睨  
高株欲轉愁回萬牛首期出處與君偕立則參前卷密

可懷之襟袖尙未敢云能此私從怕雷雨冥冥六丁來  
取

又對梅

疏枝冷葉臘前時初破年後纔多玉妃墮問梅軒白髮  
寂對空株期三百六十誰同幽坐孔方兄善幻半幅  
溪藤貌出緇塵素衣涴當盛暑展圖看遽失炎蒸甚欲  
摘傾筐三箇又卻被旁人勸休休怕他日鹽羹鳳毛無

和

江梅引謝王子勉提刑送江梅二首

西湖不近上林隈問江梅定誰栽莫是冥鴻銜子遠飛  
來紫陌游人多不識但驚看青天霽一樹開獨有使

君憐寂寥爲持杯能幾回玉纖橫管東風外落日樓臺  
不恨明朝飛雪滿蒼苔恨殺南溪調鼎手恐遲暮到而  
今霜鬢催

又

年年江上見寒梅幾枝開暗香來疑是月宮仙子下瑤  
臺冷豔一枝折入手斷魂遠相思切寄與誰怨極恨  
極嗅玉蘂念此情家萬里暮霞散綺楚天外幾片輕飛  
爲我多愁特地點征衣我已飄零君又老正心碎那堪  
聞塞管吹

牧庵詞卷二

洛陽 姚燧 端甫

玉漏遲與暢純父學士同舟過鹿門山

溯丹毒未了森然玉立相迎雲表勞苦詩人鄭重鹿門  
清曉耆舊猶今好在算竊比山靈年少青蓋照宜余翠  
葆蕭蕭華皎皎渺渺漢水滄波問流盡人間幾多悲嘯  
口對羊公石一尊相弔喚起長庚小妾試看坐金鞍  
歌笑飛蚋小澹澹長空孤鳥

滿江紅廉野雲左揆求賦南園

面勢林塘緊橫睫觚棱如削還更比城南韋杜去天盈  
握便有名園能甲乙他山峛崺先尊岳甚一花一石總

都將平泉學 雖鬢髮流光覺渾未厭朋來數有慶雲  
善譜新聲天樂正爾關弓鳴鶴至可知棄屣麒麟閣只  
北山逋客負塵纓滄浪濯慶雲都城

善謳者

又送李景山使交趾

六詔江山十年厭罕舟還轍但只有日南遐域未嘗持  
節八月秋風來朔漠燕然已沒鞍韁雪料此時銅柱瘴  
雲收無炎熱 衡尺一行宜決煩重爲雕題說道皇元  
威德萬方臣妾直以越裳聲教阻千金裝輒渠誰屑要  
降王明日其輶軒來金闕

又送張子正廣西宣慰司都事

瘴海盲風更誰避樓船檣折長記得饒歌歸路獲嘉時

節日夜丹青麟閣夢論功纔補朱衣缺問世間求寵有  
門無終迷轍爲此錯平生鐵踰嶺嶠皆炎熱獨梅花  
萬里桂林冰雪躍馬十年銷髀肉遠游一債償難徹笑  
悠悠造物戲人哉冠纓絕

滿庭芳寄趙宣慰平遠

有北先寒來時鴻雁記經何地初霜問渠鵝鶴何苦上  
顏行浩蕩煙波萬頃怕誰去爭許三湘聊容與誰求繫  
帛傳語寄炎荒丹山如鳳鳥相逢定是問我行藏說  
於今華髮爲汝增傷晚笑巢阿覽德莫貪快千仞翱翔  
和鳴擬從吹嶰管終不似朝陽

水調歌頭幽居

開軒對朝爽吾亦愛吾廬石亭有笏堪挂人道富於余  
尙恐軒裳念在前日朱門故態消釋未全除反覆看如  
此儂豈遽慚渠 最同是煙滅鼈斧生魚年年客裏相  
值佳興負當初縱使軒亭無恙亦取山靈抵掌猿鶴怨  
移書尊酒酌江月何日賦歸歟

又買田天生門外

買地近隍壑十頃展平瀾相如漫說雲夢八九可胸蟠  
已具扁舟放鶴又且觀魚知樂何忍利投竿卻恐避地  
下鷗鷺怨盟寒 屋茨茅蹊種竹畹滋蘭天生此所宜  
著素髮颯垂冠手苦彎弓難合惟有指麾毛穎筋力尙  
桓桓攜我二三子日往將詩壇

又送徐大山

崇仁送行役回首十周星  
因今常武丞去衣繡記曾經  
西北桃源山峻東北洞庭春盡浩浩際滄溟  
鄂渚玉薪米連月雨冥冥  
天氣佳殊未暮莫揚船便令綰印遲  
上誰奪老槐廳一語嗟卑烏用覽鏡還宣自重如此鬢  
毛青軒冕暮塗看馭日與鞭霆

又岳陽寄定菴王萬戶

茲游太奇絕我亦壯君侯春風殷地悲歎笳鼓萬貔貅  
平昔心胸吞著八九江南雲夢今上岳陽樓尊酒浣塵  
土山雨戰青油竟陵客又挾病入西州惟余與汝湍  
水東決則東流遙想凝香畫戟談笑兜鍪盡息莫賦大

刀頭麟閣看他日居右有人不

又守歲

六十一年似窗隙白駒馳人家守歲寢計明日怕容辭  
萬事纔堪一笑何必朱顏年少誰不侮吾衰只看屠酥  
酒先酌襁中兒無以爲閒釀括謫仙詩人生日日渾  
醉百歲以爲期三萬六千場耳一日杯傾三百巧曆算  
能推試問自今去餘有幾何卮

燭影搖紅新齋肅政李元讓座閒任氏婦歌海棠開後  
之語非專爲海棠設故別賦二首錄呈太初

宣相時中

天寶三郎愛環睡起紅妝嬾背渠素手洗朱鉛吹裂竈

王管羯鼓嵬坡塵散記紅冰淫淫淚斷際天長恨蜀棧  
青螺錦江難浣千古驚魂泛蘋轉蕙光風暖嫣然一  
笑尙傾城桃李空繁滿銀燭春宵苦短願青軒流光緩  
緩借諸任袖回施新齋捧口口口

又

嫋嫋東風碧湘左畔羣山圍海棠無語不成蹊桃李羞  
牛後生臉朱脣暈酒問坡仙肝腸錦繡未容花睡鉢燭  
高燒何如晴畫十事之中不隨人意長居九結貽顛  
顛笑靈均蘭茝盈襟袖今代巫陽恐有劔南呼樵人畫  
手向青軒底貌取妍妍爲司花壽

木蘭花慢清明上巳同日亦吾生少遇賦樂府奉呈判

縣伯陽志友兼寄高侍讀

暢光風嫋嫋轉幽蕙泛崇蘭最上已清明相期一日百歲逢難秋遷自兒女事快鄰翁覆手羽觴乾莫道韶華一月從今已屬春殘故人回首隔長安輪值下金鑾對賜火新煙應思祓禊何地江干依然齒牙牢在竝年時花似霧中看獨賴中書未老言時髮尚衝冠

石州慢

高與雙崖馮雪魏青三子皆人傑當年慣見中宵天外德星難拆華觴雕俎清辭細切琅玕定應袖有錕鎔鐵而我獨離羣臥南陽甘節書絕故人石影新翻欲譜調疏聲拙誰遣巫陽喚起膝王長別珠簾畫棟繁飛南

浦朝雲當時此句雖清切何似倚危闌滿西山晴雪

賀新郎

杜宇爲謀拙只當時西州已報鼈靈功烈何事爲心輕  
傳禪坐取名隱身滅化怨鳥春山啼血試聽不如歸去  
語怕君還未曉吾能說冤憤在失金闕胡爲不叩天  
闔裂枉人閒丁寧控訴欲求誰雪蜀道思歸誠何有便  
隔雲山千疊一再舉猶堪橫絕苦趣東君行不早到千  
紅萬紫飛時節呼謝豹慎捫舌

摸魚子賦玉簪錄呈趙太初兼與時中茂異

更休尋玉山瑤草蓬萊知在何處司花嫌被春風妒留  
待九秋清露還解語試問著當時月夜乘鸞女何年遺

汝甚不怕高寒青冥萬里鬟鬢亂風霧人閒世無物  
有香如許靈均遺恨千古芙蓉杜若何堪佩鯨嶺行吟  
沅浦空自苦悄教得揚雄不信離騷賦雲窗月戶恨白  
髮詩翁年來多病不識醉鄉路

蘭陵王昨日奉候知玉體已不恙軒從可北矣其戒行

何時作蘭陵王曲問之上雪崖使君

雪崖雪玉壘浮雲變滅蓬婆外晴白界天西嶺窗涵古  
今絕秦山置下列類殷姬姜娣姪望太白三百去天六  
月人猶失炎熱緇塵苦爲涅問誰可配茲千仞高潔  
惟君雅號相優劣有北正寒冽傳將移節及門再命益  
磬折未聞賜環玦我拙誤名竊甚此日徵書亦到巖

穴何人轚轔同車轍華首最相悅忍爲輕別定成行否  
乞爲汝負羈絏

綠頭鳴贈辛尚書家琵琶妾何氏

錦堂深獸鑪香噴沈煙紫檀槽金泥花面美人斜抱當  
筵輕羅綬素肌瑩玉近看<sup>碧</sup>翅雲鬟梳蟬玉筍輕拋魚文  
細撥鳳凰飛上四條絃碎牙板煩襟消盡秋氣滿庭軒  
今宵月依稀向人欲鬪嬋娟變新聲能翻舊曲眼前  
風物淒然路漫漫漢妃出塞夜悄悄商婦移船馬上愁  
思江邊怨感分明都向曲中傳困無力勸人金錢須要  
倒垂蓮揜沈醉紅塵惝恍一夢游仙

六州歌頭賦木蓮花

靈均不信木末搴芙蓉徒自潔好奇服芰荷縫看心胸  
霽月光風似愛蓮叟云難狎應亦未觀林下澹忘容坐  
蔭高花十丈身疑在玉井三峰甚東皇遣與桃李鬪春  
濃男色昌宗失昌丰訪平泉記奇草木惟赤柏與金  
松岷嶺導江浩浩發臨邛進吳儂萬里江南北行欲徧  
未曾逢堪恨恨風與雨苦相攻怕學瓊花不墜潛飛去  
地上無蹤柰明朝酒醒空對夕陽春流水溶溶

補遺

感皇恩捧讀雪樓憲使歲寒亭記擊節之餘攀疏齋例

亦賦樂章

尋丈歲寒亭何多環侍煙節雪旛萬青士旄頭鐵甲更

兩蒼官爲帥落成天雨雪皆奇事 不獨玄冬偏生幽  
思六月清風失炎熾三年轉燭君去豈無人至惟應無  
坐嘯文章使

右見程文海雪 樓樂府附錄

物  
五

物  
七

青山詩餘目錄

烏夜啼

阮郎歸

蘇幕遮

側犯

石州慢

望海潮

大酺

鶯啼序

補遺

綺寮怨

疏影

瑞鶴仙

法駕導引

八聲甘州

塞翁吟

鳳凰臺上憶吹簫

花犯

玉燭新

氏州第一

鶯啼序

青山詩餘

盧陵 趙文儀可

鳥夜啼秋興

院靜槐陰似水雨餘蟬語先秋熟殘梅子無人打金彈  
滿紅溝 又送行人歸去誰憐倦客淹留畫船旗鼓江  
南岸人倚夕陽樓

阮郎歸 梨花

冰肌玉骨淡裳衣素雲生翠枝一生不曉謫仙詩雪香  
應自知 微雨後禁煙時洗妝君莫遲東風不解惜妍  
姿吹成蝴蝶飛

又惜春用前韻

舞紅一架欲生衣殘英辭舊枝雨聲自唱惜春詞行人  
應未知新火後薄羅時君歸何太遲鏡中失卻少年  
姿年隨花共飛

蘇幙遮春情

綠秧平煙樹遠村落聲喧鳬雁歸來晚自倚闌干舒困  
眼一架葡萄青得池塘滿飲先愁吟又懶幾許閒情  
百計難消遣客路不如歸夢短何況啼鵑怎不教腸斷  
側犯夜飲海棠下

恨花開盡夜深自斂胭脂顆雨過繞曲曲花蓬錦圍裏  
浮空燒蜜炬香霧霏霏墮無那倚滴滴嬌紅笑相顰  
歌儔飲伴花底圍春坐念滿眼少年人誰更老於我歲

歲花時洞門無鎖莫負東君酒盟詩課

石州慢

京浙塵埃聞嶠風霜不覺催老封侯事付兒曹  
懶把菱花頻照明光賦筆那知白首山中年年管領閒花草  
叩角夜漫漫問何時能曉堪笑空有傳世千篇正似病呻  
飢歎欲傲王侯早被王侯相傲蓋棺事定卽今老子猶龍  
榮枯得喪渾難料無酒不須愁問黃花知道

望海潮次龍有章韻

雲外梅陰雨餘苔暈嫩寒初沁羅裳書几凝塵琴絲帶潤  
小窗幽夢生涼新水漲銀塘恨王孫去後煙草茫茫  
記得湖山勝處相對拆封黃情牋思墨猶香柰當時

兩鬢都是吳霜免穎吟枯鶴裘解盡何意此口遊梁舊  
話不堪長便倩薰風吹去本地看風光惟有青山伴我  
耕釣老村莊

大酺感春

寶鴨香殘重簾靜飛鳥時驚花鐸沈思前夢去有當時  
老淚欲彈還閣太一宮牆菩提寺路誰管紛紛開落心  
情渾何似似琵琶馬上曉寒沙漠想箏鴈頻移釧金度  
瘦素肌清削相思無柰著重訪舊誰遣車生角暗記  
省劉郎前度杜牧三生爲何人頓乖芳約試把菱花拭  
愁來處鬢絲先覺念幽獨成荒索何日重見錯擬揚州  
騎鶴緣陰不妨細酌

鶯啼序 春晚


東風何許紅紫又惄惄吹去最堪惜九十春光一年情  
緒聽雨到昨日看花去處如今盡是相思樹倚斜陽脈  
脈多情燕子能語自怪情懷近日頓懶憶劉郎前度  
斷橋外小院重簾那人正柳邊住問章臺青青在否芳  
信隔口魂無據想行人折盡柔條滾愁成絮閒將杯  
酒苦勸羲和攬轡更少駐怎忍把芳菲容易委路春還  
倒轉歸來爲君起舞寸腸萬恨何人共說十年暗洒銅  
仙淚是當時滴滴金盤露思量萬事成空只有初心英  
英未化爲土浮生似客春不憐人人更憐春暮君不見  
青樓朱閣舞女歌童零落山北便房幽戶長門詞賦

沈香樂府悠悠誰是知首者且綠陰多處修花譜殷勤  
更倩啼鶯傳語風光後期莫誤

又有感

秋風又吹華髮怪流光暗度最可恨木落山空故國芳  
草何處看前古興亡墮淚誰知歷歷今如古聽吳兒唱  
徹庭花又翻新譜腸斷江南庾信最苦有何人共賦  
天又遠雲海茫茫鱗鴻似夢無據怨東風不如人意珠  
履散寶釵何許想故人月下沈吟此時誰訴吾生已  
矣如此江山又何懷故宇不恨賦歸遲歸計大誤當時  
只合雲龍飄飄平楚男兒死耳嚶嚶昵昵丁寧賣履分  
香事又何如化作胥潮去東陵豈是無能成敗紛紛歸

來手種瓜圃  
膏殘夜久月落山寒相對耿無語恨前  
此燕丹計早荆處才疏易水衣冠總成塵上鬪雞走狗  
呼盧蹴鞠平生把臂江湖舊約何時共話連牀雨王孫  
招不歸來自采黃花醉扶山路



青山詩餘補遺

綺寮怨題寫韻軒

絳閣珠宮何處碧梧雙鳳吟爲底事一落人閒輕題破  
隱韻天音當時點雲滴雨恩恩處誤墨沾素襟算人閒  
最苦多情爭知道天上情更深世事似晴又陰羅襦  
甲帳回頭一夢難尋虎嘯敲欸護遺迹尙如今斜陽落  
花流水吹紫宇淡成林霜空月明天風響環佩飛翠禽  
疏影道士朱復古善彈琴爲余言琴須帶拙聲若太巧  
卽與箏阮何異余賞其言爲賦

寒泉濺雪有環佩隱隱飛度霜月易水風寒壯士悲歌  
關山萬里離別楊花浩蕩晴空轉又化作雲鴻霜鶲耿

石壕夜久無言寂歷如聞幽咽  
雲谷山人老矣江空又歲晚相對愁絕玉立長身自是胎仙舞我黃庭三疊人閒只慣丁當字妙處在一聲清拙待明朝試拂菱花老我一簪華髮

瑞鶴仙劉氏園西湖柳

綠楊深似雨西湖上舊日情絲恨縷風流似張緒羨春風依舊年年眉嫵宮腰楚楚倚畫闌曾鬪妙舞想而今似我零落天涯卻悔相妬痛絕長秋去後楊白花飛舊腔誰譜年光暗度淒涼事不堪訴記菩提寺路段家橋水何時重到夢處況柔條老去爭柰繫春不住

法駕導引壽雲岩師

雲漠漠雲漠漠雲擁紫皇家岩上神仙無一事幅巾臨  
水看桃花點點是丹砂

又

山中好山中好長日養嬰兒午夜獨行金闕路晴窗自  
寫綠章詞閒有鶴相隨

又

公度我公度我我是漢銅仙借我玉龍爲駁鯀爲公鋤  
雨種芝田留眼看千年

八聲甘州和孔瞻懷信國公因念亦周弟

是去年春草又淒淒塵生縷金衣悵朱顏爲土白楊堪  
柱燕子誰依謾說漫漫六合無地著相思遼鶴歸來後

言  
城亦全非    更有延平一劍向風雷半夜何處尋伊怪  
天天何物堪作玉彈棋到年年無腸堪斷向清明獨自  
掩荆扉何況又禽聲杜宇花事酴醿

塞翁吟黃園感事

又海棠開後樓上倍覺春寒綠葉潤雨初乾愛遠樹團  
團當時贋買名花種那信付與誰看十載事土花漫但  
青得闌干    悲觀思人世真如一夢留不住城頭日殘  
看眼底西湖過了又還見趙舞燕歌抹粉塗丹憑君更  
酌後日重來直是晴難

鳳凰臺上憶吹簫轉官韻

白玉磋成香羅捻就爲誰特地團團羨司花神女有此

清明疑是弓韁蹴鞠剛一踢誤挂花閒方信道酴醿失  
色玉蘂無顏凭闌幾回淡月怪天上冰輪移下塵寰  
柰堪同玉手難插雲鬟人道轉官毬也春去也欲轉何  
官聊寄與詩人案頭冰雪相看右九首據殘元本鳳林書院草堂詩餘補

塞翁吟

坐對梅花笑還記初度年時名利事總成非漫老矣何  
爲吳山夜月閩山霧回首鬢影如絲懶更問斗牛箕強  
憑醉成詩閒思嗟飄泊浮雲飛絮曾跌蕩春風柘枝  
便萬里金臺築就已長分采藥龐公誓墓羲之百年正  
爾一笑尊前兒女牽衣

玉燭新

梅花新霽後正錦檯華堂一時裝就洞房花燭深深處  
慢轉銅壺銀漏新妝未了奈浩蕩春心相候香篆裏簇  
簇笙歌微寒半侵羅袖侵晨淺捧蘭湯問堂上萱花  
夜來安否功名浪鬪漫贏得萬里相思清瘦藍袍俊秀  
便勝卻登科龍首春晝永簾幕重重簫聲緩奏

花犯

賀後溪劉再娶

繡簾深劉郎一笑風流勝前度戟香門戶還別有祥雲  
簾外飛舞洞房燭下應低語晨妝須待曙待獻了堂前  
羅襪雙雙交屬付從前構桃與楊枝如今便合遜梅  
花爲主行樂處西溪上柳汀花嶼封侯事看人漫苦誰  
能向黃河風雪路且對取錦屏金幕雙蛾新樣嫋

民州第一壽劉府教

風雨山城天意欲雪梅花照影清峭綵燕飛春祥麟紱  
旦當日文星高照天地無情向十載風埃吹老蓋世科  
名經邦事業白衣蒼狗不是貪名求分表漫獵較逢  
場一笑野外朝儀城中馬隊且暫淹才調爲斯文爭一  
脈斯文在乾坤未了爛醉金尊夜何其東方漸曉

鶯啼序壽胡存齋

初荷一番濯雨錦雲紅尙捲隘華屋賦客吟仙候望南  
極天遠還報道飄然紫氣山奇水勝都行徧卻歸來領  
客水晶庭院開宴窗戶青紅正似京洛按笙歌一片  
似別有金屋佳人桃根桃葉清婉倚薰風艷鬢正綠人

似玉手接紈扇算風流只有蓬瀛畫圖曾見誰知老子正自蕭然於此興頗淺只擬問金沙玉蕊兔髓烏肝偃月鑪中七還九轉今來古往悠悠史傳神仙本是英雄做笑英雄到此多留戀看著破曉耕龍跨海騎鯨千年依舊丹臉便教乞與萬里封侯奈朔風如箭又何似六山一任種竹栽花棋局思量墨池揮染天還記得生賢初意乾坤正要人撐拄便公能安隱天寧肯待看佐漢功成伴赤松游恁時未晚右五首據花草粹編補

水雲邨詩餘目錄

湘靈瑟

醉思仙

點絳脣

浣溪沙

菩薩蠻

謁金門

清平樂

太常引

柳梢青

戀繡衾

臨江仙

洞仙歌

西湖明月引

意難忘

六么令

滿庭芳

天香

燭影搖紅

長相思

選冠子

惜餘春慢

賀新郎

三

買陂塘

水雲邨詩餘

南豐 劉 壤 起潛

湘靈瑟 故伎周懿葬橋南

酸風冷冷哀笳吹數聲碎雨冥冥泣瑤英  
花心路芙蓉城相思幾回魂驚腸斷墳草青

醉思仙 黃南山縣寄所寓

璫樓幾閒瑤徽幾彈覓花聲繞回闌悄微聞佩環  
簾櫳晝閒鑪薰晝殘午風搖曳屏山露裙紅一班

點絳脣

風捲游雲梨花夢令人何處一溪煙雨遮斷垂楊渡  
恨入琴心能寫當時語愁無緒淚痕紅蠹猶帶香如故

浣溪沙道情

已斷因緣莫更尋尋時煩惱不如心從今休聽世閒音  
鸞夢漸隨秋水遠鶴情甘伴野雲深隔樓花月自陰  
陰

菩薩蠻題山館

長亭望斷來時路樓臺杳靄迷花霧山雨隔窗聲思君  
魂夢驚淚痕侵襟錦閒卻鴛鴦枕有淚不須垂金鞍  
明月歸

又和詹天游

故園青草依然綠故宮廢址空喬木狐兔穴巖城悠悠  
萬感生胡笳吹漢月北語南人說紅紫鬧東風湖山

一夢中

謁金門題建昌城樓

雲薄薄人靜黃梅院落細數花期并柳約新愁沾一握  
夢醒從前多錯寄恨畫檐靈鵲明月欲西天寂寞魂  
銷連曉角

又慶彭教任滿

花霧暖紅逗海棠開半斂坐談經春四換今朝官正滿  
好上鼈坡虎觀好近御屏香案休笑吾儂行色緩待  
君來作伴

又臨汝有歌者稍慧咸淳中嘗與吟朋友醉其樓對予  
唱賀新郎詞至劉郎正是當年少更那堪天教賦與

許多才調之句笑謂予曰古曲兒今日恰好使得予  
因以此意作小調題壁明日遂行後二年再訪之壁  
間醉墨尙存而人已他適矣然舊詞多有見之者姑  
錄於此

眉月小紅燭畫樓歌繞唱到劉郎頻笑道古詞今恰好  
深夜銀屏香裊明日雕鞍塵杳一餉春風容易曉三  
生思不了

又題呂真人醉桃源像

春正媚閒步武陵源裏千樹霞蒸紅散綺一枝高插髻  
飛過洞庭煙水酩酊莫教花墜鉛鼎溫溫神謁帝何  
曾眞是醉

清平樂贈教坊樂師

鏗金戛玉彈就神仙曲鐵撥鶴絃清更熟新腔渾勝俗  
教坊盡道名師聲華到處俱知指日內前宣喚雲韶  
獨步丹墀

太常引

送丁使君

甘棠春色滿南豐春好處在鬢宮宮柳映牆紅對牆柳  
常思耐翁文章太守詞華哲匠人與易居東攀戀計無從判行省重臨舊封

柳梢青

哀二歌者鄧元實共賦

青鳥西沈彩鸞北去月冷河橋夢事荒涼垂楊暗老幾  
度魂銷雲邊音信迢迢把楚些憑誰爲招萬疊清愁

西風橫笛吹落寒潮

戀繡衾城南淨涼亭賦

輕風吹霧月滿廊芙蓉香飄人隔窗記舊月閒庭院擘  
碎紅蒙寡曉妝如今兩鬢秋悽惻負凌波萬頃淒涼  
花若惜劉郎老倩藕絲牽住夕陽

臨江山和陳憲使韻

朔雪驅將殘臘去東風放出新晴繡衣瑞采照巖城江  
天收宿靄湖水動春聲要淨狐嗥竝鯉舞未煩鶴怨  
猿驚元龍老氣正崢嶸毫端膚寸潤野燒綠痕生

津亭折柳正秋光如畫繞路黃花擁朝馬歎市槐景淡  
洞仙歌大德壬寅秋送劉春谷學正

池藻波寒分明是三載春風難捨 軍峰天際碧雲隔  
空同無奈相思月明夜薇藥早催人應占先春休如我  
醉臥水邊林下待來歲今時慶除書繡錦曉宮花玉京

隨駕

西湖明月引用白雲翁韻送客游行都

江邨煙雨暗蕭蕭漲寒潮送輕橈目斷京塵何日聽鸞  
簫金雀觚棱千里外指天際碧雲深魂欲飄 薰爐炷  
愁煙盡銷酒孤斟誰與招滿懷情思任吟牋賦筆難描  
惆悵山風吹夢老秋宵綠漾湖心波影闊終待到借垂

楊月半橋

意難忘咸淳癸酉用清真韻

汀柳初黃送流車出陌別酒浮觴亂山迷去路空閣帶  
餘香人漸遠意淒涼更暮雨淋浪悔不辦窄衫細馬兩  
兩交相春梁語燕猶雙歎曉窗新月獨照劉郎寄牋  
頻誤約臨鏡想慵妝知幾夢惱愁腸任更駐何妨但只  
憐綠陰市過了韶光

六么令雲舍趙使君同賦

曉來寒角吹起愁相觸亂雲黯淡江渚疏柳雙鴉宿錦  
瑟銀屏何處花霧翻香曲柔紅嬌綠魂銷往夢羞向孤  
梅說幽獨燕支曾印素袂絳豔收殘馥頻問訊道新  
來悶損纖腰束多謝芳心慙戀羅結文鴛蹴前歡誰不  
雲牋封蠟就寄相思恨盈朶

滿庭芳 春日過城東舊游

簾捲疏櫺樓平危堞幾回筍玉凭闌覓花呼酒更共理  
哀彈暖日柔風好景行雲繞鶯燕翩翩誰知道冶游重  
到已賦解連環乘雲何處去花深隔院應恨春閒但  
紫骝嘶度時望重關長恨江樓柳老女郎腰又負眠三  
東城路一回一感愁見月兒彎

天香 次韻賦牡丹

雨秀風明煙柔霧滑魏家初試嬌紫翠羽低雲檀心暈  
粉獨冠洛京新譜沈香醉墨曾賦與昭陽仙侶塵世幾  
經朝暮花神豈知今古愁聽流鶯自語歎唐宮草青  
如許空有天邊皓月見霓裳舞更後百年人換又誰記

今番看花處流水夕陽斷魂鎖鼓

燭影搖紅月下牡丹

院落黃昏殘霞收盡廉纖雨天香富貴洛陽城巧費春  
工作自笑平生吟苦寫不盡此花風度玉堂銀燭翠幄  
畫闌萬紅爭妒那更深宵寒光幻出清都府嫦娥跨  
影下人閒來按紅鸞舞連夜杯行休駐生怕化彩雲飛  
去酒闌人靜月淡塵清曉風輕露

長相思客中

景定壬戌秋

霧隔平林風欺敗褐十分秋滿黃華荒庭人靜聲慘寒  
蛩驚回羈思如麻庾信多愁有中宵清夢迢遞還家楚  
水繞天涯黯銷魂幾度棲鴉對綠橘黃橙故園在念

悵望歸路猶賒此情吟不盡被西風吹入胡笳自極黃  
雲飛渡處臨流自嗟又斜陽征鴻影斷夜來空信燈花  
選冠子贈歌者入閩用月巢韻

暝靄迷紅水天籠曉帆去野潮聲急離鸞獨倚巧燕雙  
飛忍向東風飄折塵銷紫曲闌千箏雁成聲頓成孤臆  
歎舟回人遠錮花鄉澤悄無痕迹顚額損俊賞杜郎  
多情荀令欲寫別愁無力閩星南轉江月西沈空擬夢  
來今夕古驛荒邨誰憐膩粉風侵鬆蟬雲濕但斷魂煙  
浪癡看橋西落日

惜餘春慢春雨

玉勒絲鞭彩旗紅索總向愁中休了偏憐景媚爲甚愁

濃都爲雨多晴少桃杏開到梨花紅印香泥綠平幽沼  
也無饒紅藥殿春更作薄寒清峭 塵夢裏暗換年華  
東風能幾又把一番春老鶯花過眼蠶麥當頭朝日濃  
陰籠曉休恨煙林杜鵑只恨啼鳩呼雲聲杳到如今暖  
鷗烘晴滿地綠陰芳草

買陂塘與沈潤子鄧元寶同賦

暮雲沈淒淒花陌荒苔青潤鶯發嬌紅一捻不勝春苦  
雨酸風惄惄從別後但暗憶娉婷幾把垂楊蹂香銷韓  
袖念鶯燕悲吟鳳鸞仙去空負摘花手 銅鋪掩窺見  
文窗依舊箏琶塵黯絃縐欲圓春夢今猶未怪得西飛  
太驟凝竚久擬待倩鴻都羽客尋仙偶青衫濕透歎玉

骨沈埋芳魂縹渺何處醉尊酒

又兵後過舊游

倚樓西西風驚鬢吹回塵思蕭瑟碧桃影下驂鸞夢十  
載雲沈雨隔空自憶漫紅蠟香牋難寫舊悽惻煙邨水  
國欲閒卻琴心蠹殘筵面老盡看花客 河橋側曾試  
雕鞍玉勒如今已忘南北人閒縱有垂楊在欲挽一絲  
無力君莫拍渾不似年時愛聽酒邊笛湘簾巷陌但斜  
照斷煙淡螢衰草零落舊春色

賀新郎 催花呈趙雲舍

辦著春游費柰狂風吹寒禁定滿城花事天暝雲深時  
度雨院落秦筝未試倩誰贊杏嬌桃媚韶色三停今過

一只淡黃楊柳裝愁思芳徑滑繡窗閉 玉鑪悶炷香  
溫被憶去年恩恩勝賞夢沈煙水遙望秋干新綵索難  
把舊痕重繫待暖入香紅十里別擁雙鸞迎素月教明  
年不恨今顛願鶯共燕汝知未

又答趙清遠見寄韻

莫笑劉郎老老劉郎平生不是山林懷抱夢裏風雲翻  
海嶽覽後狂歌墜帽歎幾度荒雞誤曉天際晴雲開五  
色縱今年意氣猶年少機事還有時到 喀歌檄筆憑  
誰道對邨中一溪流水半林斜照賴有可人堪話舊時  
其掀髯絕倒也來問袞衣茸帽聊且問天占百歲看乾  
坤此事如何了腸斷處春城草

又

醉裏江南路問梅花經年冷落幾番煙雨玉骨冰肌終是別猶帶孤山瑞露想蘊藉和羹風度萬紫千紅嫌妬早羨仙標豈比人閒侶聊玩弄六花舞雲寒木落山城暮忽飄來暗香萬斛春浮江浦茅舍竹籬詞客老擬傍東風千樹看好月亭亭當午流水邨中清淺處稱橫斜疏影相容與時索笑想應許



養蒙先生詞目錄

木蘭花慢

八

滿江紅

二

臨江仙

糖多令

二

齊天樂

三

摸魚兒

賀新郎

望月婆羅門引

玉漏遲

二

柳梢青

看  
目

養蒙先生詞

崇德 張伯淳 師道

木蘭花慢

載西山歟氣添不重月船輕記前度今朝瓊花爛漫管  
領歌聲今歲穠華深處羨袞衣還看採衣榮人世雲萍  
相遇歲寒松柏長青 行行催覲朵雲明曉色上觚棱  
看春去春來依然黃閣移近家庭浮雲儻來軒冕算古  
今久遠是功名尙有寒崖枯卉東君也解留情

又送季治書

羨高標雅量窗八面更玲瓏每風日佳時湖山清處袍  
錦從容不把雲霄自隔向尊前看我嘯吟中人世流光

易老古來知已難逢　青驄來往太恩恩呵護有紗籠  
想當道豺狼先聲到處瞻落英風南枝暫容橫榻算覽  
觀有限興無窮別後相思何處心期付與飛鴻

又壽張可與

對黃花爛漫能幾日又重陽問眼底湖山新□□□□別  
是風光三台近臨吳地映奎躔明處□□□□□當年  
豸角這回收斂秋霜笑□幕府晝偏長何事最爲忙  
但寬取一分一方便亦足流芳山人敢攀宗袞爲東  
南民命秉心香更借南陽菊水殷勤滿注瑤觴

又壽劉東厓

記當年客裏是今日奉霞觴任廚傳荒涼風口震撼樂

自難量別來歲華電走又都門翦□□□□□百年  
已老兄多四歲偏強 玉堂滿袖惹天香鳳閣樣詞章  
看采帖題春椒盤草頌蓬矢開張金甌御屏簡記賦□  
鈞壽域奏明光後十五年今日□兄綠野徜徉

又壽抑齋

儘江南江北誰不慕抑齋名羨夢筆才華粲花談論喬  
木家聲重尋玉堂舊步喜今番天語重丁寧云是儒家  
領袖居然史筆權衡 相迎便覺眼常青相對話羈情  
正綠暗園林朱明時候瑞靄騰騰期公久長名節太羹  
中還著五侯鷁此去明堂一柱當年玉樹階庭

又壽陳介軒

問家傳舊物有清節與高風任野色充庭俗塵掃迹談  
笑從容生涯但隨分足比孟嘗襟度只差窮曾是貞元  
朝士本來湖海元龍一旦評推分許軒翁萬口一詞同  
喜漸近稀年從教髮白目炯雙瞳蟾鉤又還乍吐對荷  
香莫放酒尊空砌下芝蘭競爽年年家慶圖中

又贈彈琵琶者

愛當壚年少將雅調寄幽情儘百喙春和羣喧夜寂老  
鳳孤鳴都來四條絃裏有無窮舊譜與新聲寫出天然  
律呂掃空眼底纂繆落紅天氣暖猶輕洗耳爲渠聽  
想關塞風寒尋陽月色似醉還醒軒窗靜來偏好到曲  
終懷抱轉分明相見今朝何處語溪乍雨初晴

又次唐格齋韻

儘交游滿眼歲寒者果誰歟羨錦繡爲心冰霜作操仁  
義還廬門前掃清俗軌自熙然甕牖與繩樞記我蓬弧  
時候寓情翰墨歡娛驅車特地致幽書高義渺江湖  
悄夢斷鶴鸞盟深鷗鷺閒適從渠槐陰漸成翠幄看庭  
前鶯過引新雛歲歲期君一醉相忘非我非魚

滿江紅壽張繡江

省闢絲綸早傳到和羹消息無限事但從綱領認教端  
的回首平生游宦處那曾些箇由人力算知心惟有好  
湖山秋澄碧從此去開壽域緣底事催行色傍重陽  
時候且排瑤席何待殷勤斟菊水底須託興青松柏願

年年濃蘸繡江波供詞筆

又次韻壽雪澗兄

七日新秋還又記生申初度清夢到小橋流水翔蓬深處去歲爍京猶望遠今年談宴知誰與想荷翻翠蓋飽涼颸時掀舞何時吸擎盤露何必頑長明炬更何須伊召何須巢許但有金丹消息在待將銅狄摩挲去儘西湖山水四時佳宜晴雨

臨江仙

壽程雪樓

白雪樓前清晝新來喜事連縣朱明綠暗夢秋天繡衣何日去丹荔已香傳前夜圓圓明月好清光流照華筵錦囊隨處地行仙庭椿闌望眼同慶八千年

糖多令壽王肯堂

前日是中秋。蟬娟爲我留。畫圖閒主勸賓酬。忙處偷閒誰得侶。眞意度淡交游。薇省老參謀。三台一舉頭。魯祥麟增重。儒流今歲綵衣還。有伴方袞袞慶公侯。

又寄吳閑閑

移住近瀛洲。天槎去莫留。數歸期已過。中秋上界羣仙官府足雲不礙水長流。酒令與詩籌依然記舊游。倚斜陽。分付羈愁應與鼇峰人共語。還不減去年。不

齊天樂壽王伯起

庭柯一葉炎曦淡。秋光宦情相似。駟馬爭馳千帆競。送不羨紛紛時輩隨緣賦祿慶。官府清明紀綱興。起暇日

吟鞍湖山公案更兼理 將軍猶自未老舊時供奉曲  
還有風致挂笏西山蟠螭北海卻是君家盛事佳辰雅  
聚且滿引霞觴坐看芝砌富貴長年四時談笑裏

又送馬德昌

人生南北如歧路相逢自憐不早傾蓋班荆分燈並壁  
吟卷筆牀茶竈交情古道怕催詔連翩好風吹到聚久  
別難砌蛩那更碎懷抱 臨行誰勸駐馬待將塵土事  
妨我吟嘯小住雖佳還堪就否催得雲帆縹渺官梅正  
好比前度孤山臘開多少兩處心旌倚樓同晚照

又次韻謝倦翁

班荆傾蓋當時事回頭屢更寒暑倦翼纔還蒼顏易得

零落江陵千樹相逢冷署且莫訝儒冠解將人誤計我  
生朝采牋新調映紅炬投閒誰道太早人生行樂耳  
何地非旅緣暗書眸紅生醉臉聊對檐花細雨移尊共  
語問何日扁舟嫩荷香處坐待蟾光四更猶未吐

摸魚兒次韻抱甕

采黃花自斟酒口南山人在何許浮生聚散雲萍似消  
得幾番寒暑些箇路口不斷情悰惟有春樹停歌罷  
舞更說甚悲歡從教白首心事付崔櫓鈞天夢忘卻  
當年宦譜吟蛩休怨休訴如今世味更嘗慣但見青山  
多嬾清對苦是我誤儒冠還是儒冠誤西湖勝處且趁  
取佳時不寒不暖同泛小舟去

賀新郎次韻

回首章臺路又一番春事闌珊滿簾風絮郭外誰家閒  
院落別是壺天意趣拚一日來游一度除卻憂愁風雨  
外肯容他野馬埋雙屢行樂地更何處人生忍把佳  
期誤况今朝滿坐春風怎禁不去蓮社蘭亭當日話便  
合從今委付算此語非緣要譽飲少歡多還覺醉看歸  
途疊嶂青無數情未足日催暮

望月婆羅門

引送徐容齋

容齋平日一身用舍繫安危兒童走卒皆知誰料鱸魚  
江上忽憶故山薇任西風別酒月正圓時性齋有詩  
道掃舍待吾歸二老相招如此公論疇依人生行樂對

佳水佳山何必歸公笑曰歸去來兮

玉漏遲壽張右丞

太平元夜好鼇山宴徹祥煙凝曉端正嬪娟爲我玳筵  
留照曾侍龍潛舊邸更欣際鴻圖初造人盡道兩宮柱  
石元眞廊廟天轉右轄星躔儘向上勳名歷階須到  
商鼎周彝時奉退朝吟嘯牘有墳窆韻雅況庭戶纖塵  
如掃經濟了長醉遂初春早

又壽馬右丞

浙江回棹處急流勇退冥鴻高舉出畫遲遲不爲口口  
留住姑待春和水漲旋乘箇月明船去天未許雲歸又  
出依然霖雨熟路小隊輕車想司馬重來聚觀如堵

暇日西湖點檢舊題詩句冷落江南倦翼但惟有心香  
一縷長記取每歲仲春端午

柳梢青賦枯梅寄張郎中馬同知

令淡根荄小春時候兩蕊三花栽向西湖移來東閣一  
任安排絕憐瘦影橫斜但宜在山巔天涯花裏平安  
嶺頭孤秀榮悴爭些

繡谷亭熏習錄養蒙集十卷元翰林侍講學士謚文  
穆嘉興張伯淳師道著伯淳在宋世以童子科登第  
入元歷仕通顯集爲子采孫炯編次至正六年刊於  
家塾采有跋至順三年奎章閣學士虞集泰定三年  
翰林侍講學士鄧文原竝序宣德七年重刊曾孫銓  
跋伯淳爲安撫使趙與旟壻與旟子昂之父也案此  
卽四庫著錄屬樊榭鈔自繡谷亭本輒轉逐寫益多  
訛闕第十卷凡詞二十二首因校存以備浙西先獻  
後跋稱與內弟子昂趙公同時集中書梁中砥畫卷  
云子昂余所親蕭山縣學重建大成殿記文穆譏文  
敏書石本今存并記之仁和吳昌綬

--	--	--	--	--	--	--	--

中庵詩餘目錄

清平錄五

阮郎歸

眼兒媚

菩薩蠻

南鄉子

蝶戀花二

鵲橋仙

黑漆弩二

木蘭花慢三

水龍吟三

沁園春五

古烏夜啼


最高樓二

滿江紅二

六州歌頭二

補遺

點絳脣



中庵詩餘

章邱 劉敏中 端甫

清平樂 大德癸卯奉使宣撫山北遼東道五月赴懿州

道中二首

茸茸碧草點點金花小十里青山山下道地錦渾教蓋了天然膩軟平匀馬蹄穩送行人路斷不堪回首南風依舊黃塵平川細草上  
有黃花可愛

前調

山寒花晚開也無人管風裏散紅顏色淺恨與天涯共遠多時立馬彷徨一枝爲挽餘香欲說揚州舊譜怕渠分外淒涼山中芍藥五月始開有感而作

前調九月回至隆興一首

雲峰咫尺竹靜芭蕉碧鶴繞蒼苔行又立不見高堂素  
壁簿書驛騎憇憇暫時留住衰翁一月歸心難盡野  
亭繡水秋風

隆興廳事壁閒作六鶴圖頗奇戲書及之

前調西野內翰奉使寄示佳篇累幅三韓山川風土之

勝了然目中夫能以吟詠之樂而忘其跋涉之勞  
固君子之所尚也披賞之餘輒敢用清平樂韻少  
答雅覩且以奉旋旆一笑云

雲窗月戶水秀山奇處畫裏二三千里路一步哦詩一  
住詩中卻也思家寄來滿紙煙霞辦了黃華事業做  
成冷淡生涯

前調

經春閉戶人不思量處。地花神通一路留得詩仙肯  
住相歡忘卻無家對花細引流霞此日詩來腸斷望  
君東海西涯西野郭安道所寄清平樂專言予寓居賞牡丹之樂故子答云然

阮郎歸奉使由平灘之惠州山行

青山不盡一重重重重如畫中石根流水玉玲瓏高低  
處處通山向北路回東馬前三四峰峰頭更覺翠煙  
濃煙中無數松

眼兒媚賦秋日海棠分韻得闌字

春風應怪洗妝慳故作兩回看風流依舊櫧心暈紫翠  
袖凝丹玉容寂寞淚闌干細雨豆花寒多情誰管今

宵冷落淡月東闕

菩薩蠻月夕對玉簪獨酌

遙看疑是梅花雪近前不似梨花月秋入一簪涼滿庭  
風露香舉杯香露洗月在杯心裏醉眼月徘徊玉簪  
花上飛

南鄉子老病自戲

老境日蹉跎無計逃他百病魔強打支撐相伴住難呵  
也是先生沒奈何耳重眼花多行則散危語則訛暗  
地自憐還自笑休麼智者能調五臟和

蝶戀花雲卿寄長短句徵無名亭記戲用其韻答之  
忽得新詞深自愧欲記無名例自古求名今

卻避不知誰與君同議  
旦晝行爲昏暮睡我是無心  
何物能吾累若遺無名名可棄無無名處曾留意

前調曉至野亭

臨水衰葵欹欲倒三兩幽花更比初開好何處飛來金  
鳳小碧筵開徹忘憂草  
月桂新栽枝葉少一朶嬌紅  
點破江煙曉最愛牽牛隨意繞四闌青錦遮圍了

鵲橋仙觀接牡丹

栽時白露開時穀雨培養工夫良苦閒遊消息阿誰傳  
算只是司花說與寒梢一拂芳心寸許點破凡根宿  
上不知魏紫是姚黃到來歲春風看取

黑漆弩村居遣興

長巾闊領深村住不識我喚作倉父掩白沙翠竹柴門  
聽徹秋來夜雨聞將得失思量往事水流東去便宜  
敎畫卻凌煙甚是功名了處

前調

吾廬卻近江鷗住更幾箇好事農父對青山枕上詩成  
一陣沙頭風雨酒旗只隔橫塘自過小橋沽去儘疏  
狂不怕人嫌是我生平喜處

木蘭花慢憶別

渺雲閒天淡離別意一銷魂憶金縷珠喉冰絃玉筍明  
月幽人風流舊家心事指南山松柏託殷勤煙草夕陽  
別浦梨花暮雨重門浪憑歸夢覓行雲腸斷幾黃昏

甚百種淒涼一般寂寞兩地平分多情料應有語道卿  
卿不惜瑣窗春爲謝晴桃風柳不禁鞍馬紅塵  
前調贈貴游摘阮時得名妾故戲及之

此聲何所以似似琴語更琅然問太古遺音承平舊曲誰  
爲君傳知音素娥好在只向人懷抱照人圓一笑青雲  
公子不應猶有塵緣松閒玄鶴舞翩翩山鬼下蒼煙  
正閉戶焚香捩商泛角非指非絃華堂靜無俗客算風  
流未減竹林賢何日西窗酒醒聽君細瀉幽泉

前調適得醉經樂章讀未竟彥博尙書有兵厨之餉因  
待擣擣暮境比舊口不爭多奈白日難留丹心易感綠  
用其韻書二本一呈醉經一謝彥博

髮全皤行樂處渾一夢憶黃公廬下幾回過振策千峰  
絕頂濯纓萬里長河紅塵世事費磋磨入海駕洪波  
悵學古無成於今何補謾爾蹉跎閒攬鏡還獨笑甚蒼  
顏一皺不曾酡忽報鳴鞭送酒開尊自洗空螺

水龍吟王瓠山承旨以賞牡丹水龍吟見寄且云三花

脈脈似怨中庵無一語者則知瓠山所居乃予  
向者所寓居也次韻答之

牡丹何可無言廣平曾有梅花賦蹉跎老矣愁多歡少  
花開人去黃絹飛來分明卻見舊家風度是東風喚取  
玉堂仙伯要長在花閒住慙愧相思千里也看同去  
年崔護詩朋酒伴吟看醉繞應無重數寂寞江亭青山

不斷碧雲將暮對夕陽老樹悠然北望誦天香句

前調同張大經御史賦牡丹

春風一尺紅雲粉蕤金粟重重起天香國色宜教占斷人間富貴最喜風流妝臺卯酒欲醒還醉算年年歲歲花開依舊問當日人何似休說花開花謝怕傷他老來情味依稀病眼故應猶識舊家姚魏無語相看一杯獨酌幽懷如水料多情笑我蒼顏白髮向風塵底

前調

曉來露溼仙裳盛開更比初開重春風也惜頽然薄怒不堪搖動天上人間我評唯有司花會種想年年京洛紅塵紫陌都占斷繁華夢醉裏依稀有語只清辭可

爲光寵有香萬斛從今準備公來迎送風雨難憑彩雲  
回首總成無用喚玉壺留取一枝春在作中庵供

沁園春省右司春日海棠和諸公韻

花有花時何事茲花待開便開看嫣然一笑秋容也媚  
問之不語春意潛回靜想乾坤中閒萬有元氣循環共  
一胎花如許儘風流奇異歎了還猜三生月地雲堦  
料曾被西風照鏡臺悵賞餘人靜黃蜂日晚夢回月落  
白雁霜催兩度頻煩一番遲暮爭似從他本分來青霄  
客有流連新句爲寫芳埃

前調韓雲卿右司邀賞牡丹且云芍藥有雙頭者以病  
不果赴呈諸公時予方爲國子祭酒

先自空疏幾載蹉跎歷繞湖江甚如今卻遣官閒責重  
茫然自愧學醜言龐鬢雪難銷君恩莫報五鬼欺凌不可降  
如何耐強支撐病骨獨伴寒缸心如孤旆高扛但猶想茆齋對石矼笑隨身惟有詩囊藥裹打門誰送  
酒榼羊羶夢裏笙歌無名亭上滿眼春風四面窗人如  
玉看牡丹第一芍藥成雙韓家有亭日無名

前調題戶部郎完顏正甫舒嘯圖仍用盧疏齋韻

華屋高軒富貴之心人皆有之甚伯倫挈榼惟知帶酒  
浩然踏雪只解吟詩一見令人利名都忘更有高情元  
紫芝還知否蓋道分彼此事有參差看君綠髮雄姿  
況千載風雲正遇時便登皋舒嘯如今太早揚眉吐氣

過此還遲愧我衰殘終然無補久矣寒灰枯樹枝雲山  
夢被畫圖喚起情見平辭

以餕之

簿領埃塵鞍馬風沙逸才未舒但平生豪氣黃金易散  
高懷洒落白璧難污我問行藏掀髯一笑意外功名不  
用圖南遊興愛華峰北渚雲海方壺故園風景非殊  
恍六載別來一夢如想疏篁缺處多應得筍新松種後  
已漸成株歸去來兮東樓南浦爛醉何妨翠袖扶明年  
必記此時休厭折箇相呼時周卿猶爲  
憲府掾云

前調余既以太初命石且爲記客曰雖命之不可無號

號所以貴之也乃以已意號之曰蒼然余復援稼

軒例作樂府沁園春一首改名曰蒼然吟附於記

後云

石汝來前號汝蒼然名之太初問太初而上還能記否  
蒼然於此爲復何如偃蹇難親昂藏不語無乃於予太  
簡乎須臾便喚一庭風雨萬竅號呼 依稀似道狂夫  
在一氣何分我與渠但君纔見我奇形怪狀我先知子  
冷淡清虛擰住黃墟莊嚴繡水攘斥紅塵力有餘今何  
夕倚長風三叫對此魁梧

古鳥夜啼

日長誰伴中庵太初巖靜埽閒庭獨自看晴嵐 嵩翠

滴雲影溼雨聲酣欲借昌黎老筆賦終南

最高樓寄張古齋受益野芳亭名太初予家怪石巖也

古齋受益所居當繡江之源江北流二十里其

東塙有曰野亭者則予之別墅也頃歲予與古

齋同在京師而同有歸歟之思逮茲而同如其

志同樂也作詞以道之同一笑云

山家好河水淨漣漪茆舍綠陰圍兒童不解針垂釣老翁只會甕澆畦我思之君倦矣去來兮也問甚野芳亭上月也問甚太初巖下雪乘款段載鷗夷興來便作尋花去醉時不記插花歸問沙鷗從此後可忘機

前調既作此詞有懷張秀實公子幽居復用前韻

幽居好煙靄翠生漪水繞更山圍錦幃四面花藏屋綠  
雲一望稻盈畦問誰歎君子者美人兮也不看李家  
堂裏月也不踏班生闈外雪尋寂寞見希夷醉眠長被  
鶯呼起相看時有燕飛歸我憐君君似我本無機

滿江紅病中次韻答暢泊然純甫

北去南來凡幾度風沙行李離又合新歡舊恨古今何  
已風鑑俄瞻衡宇外月明照見寒江底問朱絲白雪尙  
依然知音幾無所作誰成毀非所望何悲喜謂人生  
得失卷舒天耳病骨支離羈思亂此情正要公料理但  
無言手促玉連環東南指

前調

我笑前人癡絕甚搔瓜鑽李天壤內神奇腐朽有何窮  
已才見凌風霄漢上忽看垂翅蓬蒿底試閒將得失徧  
思量凡經幾無汝愧從渠毀非我有吾何喜但物來  
卽應盡心焉耳一榻高懸人事了一瓢樂飲家園理也  
何曾直待馬千蹏童千指

六州歌頭

暢純甫與姚牧庵鄂城會飲唱和樂章六州

歌頭往返凡數首予次其韻二篇答純甫

江城會飲東壁照奎星肝膽露乾坤祕盡披零勢分庭  
筆下風雷發何爲爾聊相慰俱一笑悠悠者總流萍虎  
鄆龍跳幾遇依然對高壘深局覩殷盤蝌蚪不說換鵝  
經老眼塵醒認聲形中州月旦千載後猶洒落有欵

寧人不見搔首立望餘馨海邊亭寂寞鍾期遠高山曲  
幾人聽何必要椿與菌校年齡萬事元無定在此心得  
到處仙靈愛爛遊南北快馬接飛船萬里丹青

純甫自京師入

長安歷巴蜀轉江淮入廉山東家極顯貴故未章及之

前調

窺天以管認得幾多星嗟擾擾矜完美校奇零蟻緣庭  
物化無窮已石生火火生壞壞生溼溼生木木生萍夢  
裏高車駟馬遽然覺囊膚柴局記達人有語痛飲讀騷  
經非醉非醒妙難形曾經灑灑夷險地人慄慄此心  
寧更誰問桃李台蕙蘭馨水東亭一曲滄浪詠都分付  
野鷗聽還漸喜鄉社飲近高齡但愧霜臺舊友平生念

鐵石通靈辨林閒一笑酒醒便揚舲飯白芻青時純甫將事東

予繡江歸欲過

補遺

點絳脣寄程雪樓

短夢驚回北窗一陣芭蕉雨雨聲還住斜日明高樹  
起望行雲送雨前山去山如霧斷虹猶怒直入山深處

樵庵詞目錄

醉江月

玉漏遲

鵲橋仙

木蘭花

菩薩蠻

清平樂

人月圓

太常引

風中柳

西江月



樵庵詞

容城 劉因 靜修

醉江月飲山亭月夕

廣寒宮殿想幽深不覺升沈圓缺天上人閒心共遠如  
在瓊樓玉闕厚地微茫高天涼冷此際紅塵歇翠陰高  
枕併敎毛骨清澈爲問此世從來幾人吟望轉首俱  
湮滅蟻蟲區區尤可笑幾許肝腸如鐵八表神游一槎  
高汎逸興方超絕常娥留待桂花且莫開徹

玉漏遲汎舟東溪

故園平似掌人生何必武陵溪上三尺蓑衣遮斷紅塵  
千丈不學東山高臥也不似鹿門長往君試望遠山顰

處白雲無恙 自唱一曲漁歌當無復當年缺壺悲壯  
老境羲皇換盡平生豪爽天設四時佳興要留待幽人  
清賞花又放滿意一篙春浪

鵲橋仙

悠悠萬古茫茫天宇自歎平生豪舉元龍儘意臥牀高  
渾占得乾坤幾許 公家租賦私家雞黍學種東皋煙  
雨有時抱膝看青山卻不是長吟梁父

二喜雨

紇干生處幾時飛去欲去被天留住野人得飽更無求  
滿意口一犁春雨 田家作苦濁醪釀黍準備歲時歌  
舞不妨分我一豚蹄更試聽今秋社鼓

木蘭花

未開常探花開未又恐開時風雨至花開風雨不相妨  
說甚不來花下醉百年枉作千年計今日不知明日  
事春風欲勸坐中人一片落紅當眼墜

二

西山不似龐公傲城府有樓山便到欲將華髮染晴嵐  
千里青青濃可掃人言華髮因愁早勸我消愁惟酒  
好夜來一飲盡千鍾今日醒來依舊老

三

錦雲十里川妃共一棹晚涼風款送只愁無處著清香  
滿載月明船已重冰壺水鑑元空洞天意似嫌紅翠

擁排教風露入吟尊不惜秋光渾減動

菩薩蠻

元龍未減當年氣呼山臥向高樓底今日到山村青山  
故意昏商歌聊一振千里浮雲盡老子氣猶豪山靈  
未可驕

二、飲山亭感舊

種花人去花應道花枝正好人先老一笑問花枝花枝  
得幾時人生行樂耳今古都如此急欲醉莓苔前村  
酒未來

三回文

水圍山影紅圍翠翠圍紅影山圍水西近小橋溪溪橋

小近西隱人誰與問問與誰人隱孤鶴對言無無言  
對鶴孤

清平樂

青松偃蹇不受春風管松下幽人心自遠驚怪人閒日  
短微茫雲海蓬萊千年一度春來爭信門前桃李年  
年花落花開

二

青天仰面臥看浮雲捲蒼狗白衣千萬變都被幽人窺  
見偶然夢見華胥覺來花影扶疏窗下魯論誰誦呼  
來共詠舞雩

三飲山亭留宿

山翁醉也又返黃茅舍醉裏忽聞留我者說道羣花未  
謝 脫巾就臥松龕覺來詩思方酣欲借白雲爲筆淋  
漓灑徧晴嵐

四賀雨

雨晴簫鼓四野歡聲舉平昔飲山今飲雨來就老農歌  
舞 半生負郭無田寸心萬國豐年誰識山翁樂處野  
花啼鳥欣然

五圍棋

棋聲清美盤礴青松底門外行人遙指似好箇爛柯仙  
子 輸贏都付欣然興闌依舊高眠山鳥山花相語翁  
心不在棋邊

人月圓

自從謝病修花史天意不容閒今年新授平章風月檢  
校雲山門前報道麴生來謁子墨相看先生正爾天  
張翠幕山擁雲鬟

二

茫茫大塊洪爐裏何物不寒灰古今多少荒煙廢壘老  
樹遺臺太行如礪黃河如帶等是塵埃不須更歎花  
開花落春去春來

太常引

男兒勲業古來難歎人世幾千般一夢覺邯鄲好看得  
浮生等閒紅塵盡處白雲堆裏高臥對青山風味似

陳搏休錯比當年謝安

二

臨流相喚子東坡君試舞我當歌不樂欲如何看白髮  
今年漸多青天白日斜風細雨盡付一漁蓑天地作  
行窩把萬物都名太和

三

冥鴻有意避雲羅問何處是行窩今古一漁蓑收攬了  
閒人最多求田問舍君休歎我兩鬢已成皤髀內儘  
消磨渾換得功名幾何

風中柳飲山亭留宿

我本漁樵不是白駒空谷對西山悠然自足北窗疏竹

南窗叢菊愛村居數間茆屋 風煙草屨滿意一川平  
綠問前溪今朝酒熟幽禽歌曲流泉琴筑欲歸來故人  
留宿

西江月飲山亭留飲

看竹何須問主尋村遙認松蘿小車到處是行窩門外  
青山屬我 張叟臘醅藏久王家紅藥開多相留一醉  
意如何老子掀髯曰可